

影印
文淵閣

四庫全書

影印

文淵閣四庫全書

第四一八冊

北京出版集團公司
北京出版社

本册目次

世宗憲皇帝硃批諭旨(三)

清

雍正十年敕編
乾隆三年告成
……
一

欽定四庫全書

史部
硃批諭旨卷三十一上

臣永瑤恭校

編修臣裴謙覆勘

總校官中書臣朱鈐

校對官中書臣胡紹基

謄錄監生臣李維瀛

欽定四庫全書

硃批諭旨卷三十一上

硃批馬會伯奏摺

雍正元年十一月十二日雲南永北鎮總兵官臣

馬會伯謹

奏為恭謝

天恩事竊臣邊鄙庸愚仰荷

皇恩不次拔擢歷任今職涓埃莫報正切悚惶茲者得

欽定四庫全書

硃批諭旨
卷三十一上

覲

天顏蒙

恩賜貂帽翎子已邀格外之榮又奉

諭旨因大同地方緊要令臣前往大同署理總兵事務

於初二日跪領

聖訓賜臣暨臣弟馬覲伯各銀五百兩復

命臣差人馳驛回滇

皇恩優渥感戴難名惟有實心任事竭盡駑鈍仰報

高深於萬一耳臣於初十日已抵大同俟臣弟馬觀伯

帶領官兵起程之日另行具

題外謹將微臣謝悃具摺奏

聞謹

奏

大同營伍數年來廢弛已極爾其竭力整頓務令改觀以副朕望

雍正元年十二月十三日署理山西大同鎮總兵

欽定四庫全書

硃批諭旨
卷三十一上

官臣馬會伯謹

奏為欽奉

上諭事竊臣前到大同隨具恭謝

天恩一摺荷蒙

皇上硃批臣跪誦

天語訓誡煌煌仰見我

皇上明同日月洞鑒無遺臣惟有益凜冰兢冀酬

高厚於萬一臣於十一月二十六日接印署事即行文

所轄標協營路嚴查虛冒扣剋等弊汰除老弱整

理軍裝約束兵丁嚴謹汛防復將各路將備調赴

大同面加誡飭令其痛改前非勤慎供職倘有不

肖之員貪利營私因循怠玩臣立即指名

題叅以為廢弛不法者戒但各屬營務廢弛已久非

旦夕可以改觀除空糧嚴飭即速招補以實營伍

至於操練兵馬修整軍裝器械等項伏乞

皇上寬臣月日約計半載之內竭盡駑鈍務必整理完

欽定四庫全書

硃批諭旨
卷三十一上

備以仰副

皇上慎重封疆至意所有

硃批奏摺理合恭繳為此繕摺奏

聞謹

奏

爾且盡心料理諸務以俟後命永北一任亦甚緊要尚未得人代爾署理此任或暫或久朕意猶在未定然無論何任莫非國事爾能隨處為朕出力報效朕自然洞

悉也

雍正二年正月十七日署理山西大同鎮總兵官

臣馬會伯謹

奏為奏

聞事竊臣於雍正元年十一月二十六日接印任事後

飭行標協營路確查空糧招補足額除鎮標三營

並無空糧外今清出殺虎得勝等各協路空糧三

百五十九分俱經各官詳報招補差操臣查訪無

欽定四庫全書

殊批諭旨
卷三十一上

四

異其靈邱利民東路河保水泉五營路尚未報到

至甲械旗幟軍裝等項現今上緊整理兵馬嚴飭

操演但臣奉

旨馳驛赴京恭請

訓旨回滇俟叅領臣陳王章到日即便交印起程其五

營路未經報到空糧并一切營務移明署鎮臣陳

王章料理外所有微臣清出空糧數目及招補緣

由理合繕摺奏

聞謹

奏

爾有思慮所到未及舉行之事交與陳王章接辦若因
與已無涉諸凡裁減過刻令馬覲伯回任後至於棘手
亦屬不可陳王章臨行時朕降諭甚悉爾備細詢明應
交與者交伊辦理可也

雍正二年六月二十日雲南永北鎮總兵官臣馬

會伯謹

欽定四庫全書

殊批諭旨
卷三十一上

五

奏為奏

聞事竊臣一介庸愚才識淺陋蒙我

皇上殊恩不以臣為謏劣命臣條奏凡有見聞敢不直

陳

睿鑒臣查永昌順寧二府地處極邊崇山峻嶺四面環

夷為滇省之藩籬最關緊要向來設立總兵鎮守

控制土司十餘處所屬蠻人種類甚多必得精明

強幹之員方可表率彈壓保固疆圉今永順鎮臣

李根潤荷蒙

皇上擢用理應竭盡心力圖報

高厚其如性貪飲酒日在醉鄉且年力衰邁昏憤健忘

一切營伍地方事務不能整頓料理似此曠厥職

守恐致貽悞封疆臣受

恩深厚不避嫌怨密以奏

聞伏祈

睿鑒謹

欽定四庫全書

硃批諭旨
卷三十一上

六

奏

李根潤貽悞職守已有旨矣

同日又

奏為遵

旨條奏仰祈

睿鑒事臣思

國家開設武科考較弓馬驗技勇試策論掄拔英俊

原備干城之選查武舉一途向有會試不中具呈

告降本省隨標効力遇有千把缺出與營弁輪流

間補之例於康熙五十一年十一月內因原任登

州總兵官李雄以告降武舉多不歸標操演有請

嚴分別武舉告降之例一疏經九卿議覆嗣後武

舉告降之處永行停止奉

旨依議遵行在案歷今十有餘年武舉壅滯日多其中不

無人材壯健技藝嫺熟之人不得及時補用殊為

可惜臣仰懇

欽定四庫全書

硃批諭旨
卷三十一上

七

聖恩請照文舉人揀選之例會試三科不中者准其赴

部告降請

勅兵部會同內大臣公同考驗必須人材壯健弓馬嫺

熟者方准告降平常者不准告降揀選引

見之後分發各省標鎮協營効力與營弁間補千把如

歸標之後不勤加學習偷安怠惰者報部註冊如

此嚴行分別則人材不致壅滯於營伍亦有裨益

至武進士每科挑選侍衛外俱以營衛守備註冊

揆科分缺銓用但今營守備缺多係揀發年滿千
總題補衛守備缺亦有捐納之人分掣則武進士
掣缺甚少亦屬壅滯並懇

聖恩亦准其赴部具呈照武舉告降之例考其弓馬漢
仗出色者遴選引

見分發各省効力與年滿千總間補守備倘不勤加學
習仍行咨部註冊則武進士武舉均得邀

皇上如天之仁可收得人之效矣是否允協伏祈

欽定四庫全書

硃批諭旨
卷三十一上

聖裁謹

奏

此事屢經有人條奏不啻數十次矣爾等提鎮職守封
疆惟整飭營伍愛恤士卒是乃專責類斯等事當無暇
念及若欲於不第武舉中選擇可用漢仗技藝恐百中
未必有一二也大抵伊等功名從賄賂請託而來者十
居五六令此輩人占奪行間兵丁進身之路非朕所忍
為之事也朕此諭便中遇督提鎮諸臣皆令知之

同日又

奏為請復陝省武闈解額以光

聖治事竊臣查陝省武舉係分闈取中原額西延鳳漢
四府取中武舉四十名平慶臨鞏四府取中武舉
四十名後於康熙二十六年十二月內部覆原任
左都御史徐乾學武闈試卷停其解部案內議將
各省武舉額數取中裁去四十名陝省兩闈共中
四十名嗣經甘肅提臣路振聲

欽定四庫全書

硃批諭旨
卷三十一上

九

題請於康熙五十二年

萬壽恩科增中二十名兩闈共中六十名臣思考取武舉
以弓馬技勇為重而文藝次之陝省武生弓馬技
勇與別省不同且沿邊一帶習武者甚多今

聖明在上咸思鼓舞上進陝省武科仰懇

聖恩仍復舊額取中不但陝省武生得沐

殊榮而宇內英俊咸慶彙征則

聖朝作人雅化又遠邁棧樸薪樵之澤矣臣芻蕘之見

緣遵

旨條陳冒昧瀆

奏伏祈

皇上睿鑒謹

奏

此係前已有旨之事爾所奏三事內兩件皆已奉諭者且又非緊要應奏急務勞擾驛遞殊為不合再如此等無關緊要之摺或隨本附進或差人緩緩齎來不可擅

欽定四庫全書

硃批諭旨
卷三十一上

動驛馬特諭

雍正二年七月十一日雲南永北鎮總兵官臣馬

會伯謹

奏為恭謝

天恩事雍正二年六月二十三日雲南撫臣差官齎捧

硃批奏摺並

御賜臣五色扇墜各種錠藥一匣到永臣率所屬漢土

官弁出郊跪迎至署恭設香案望

闕叩頭謝

恩祇領訖伏念臣質同樗櫟忝任封疆才不逮人徒有

素餐之愧功無足錄空懷報効之誠昔觀

天顏疊沐非常

寵渥今違

鳳闕又蒙逾格

恩施頂戴難名頌揚莫罄惟有冰兢益矢竭犬馬以抒

忱公慎永持捐頂踵而不惜仰答

欽定四庫全書

硃批諭旨
卷三十一上

高深於萬一耳理合繕摺奏

謝伏祈

睿鑒謹

奏

覽

近聞李衛行事狂縱操守亦不如前果然否一毫不可瞻顧情面及存酬恩報怨之心據實奏聞隨便附奏不

必特差人來

雍正三年八月二十五日貴州提督臣馬會伯謹
奏為遵

旨回奏事雍正二年六月荷蒙

皇上賞賜尚方藥品隨具摺奏

謝奉有

硃批諭旨臣於本年三月內蒙

皇上簡用貴州提督七月交代起程道經省城一路細

心訪問李衛賦性急躁心中有所欲言口中即便

欽定四庫全書

硃批諭旨
卷三十一上

說出跡類狂縱易於招尤却非乖張悖謬者至於

操守密加察訪亦未曾改臣過雲南知藩庫原交

代時存銀二十餘萬兩昨李衛交代已至九十餘

萬兩尚有羨餘在外其實心辦事於斯可見矣若

能再加涵養行事和平其才猷練達辦事勤敏實

屬賢員我

皇上無微不照自難逃

睿鑒也臣受

恩深重不敢一毫瞻顧倘以有用之人而萌報怨之心

即受蔽賢之戮以無用之人而存酬恩之念必罹

欺罔之誅臣斷不敢負

恩徇私自干

國法況上關

聖主任人圖治之重國計民生之大臣惟有據實回

奏伏乞

皇上睿鑒謹

欽定四庫全書

硃批諭旨
卷三十一上

奏

此奏朕甚嘉之凡百悉照此秉公奏聞方為不負朕之

信任也

雍正三年八月二十八日貴州提督臣馬會伯謹

奏為恭請

聖訓事竊臣查黔中夷多漢少界連川滇楚粵犵苗環

居性最兇頑不時燒殺剽擄全賴兵威彈壓各府

州縣額設營制雖星羅碁布但副參遊守中有宜

於僻壤而不宜於衝要宜於衝要而不宜於苗地者有弓馬平常辦事足錄應節取以觀後效者至臣提標有應援全省之責更關緊要必得才猷練達強幹勤敏之員以資臂指容臣將衝要僻壤苗地逐一細心籌度相其才具果宜調補之處據實

請調補則邊疆得人經理可以永保無虞至於將備

中弓馬不堪人材庸懦年老不能供職原係廢弛

欽定四庫全書

硃批諭旨
卷三十一上

無能之員激濁揚清

國憲昭然臣不敢瞻徇姑容有負

聖主委任之至意也再查盔甲器械等項俱已年久不

堪亟宜整頓修製以資實用又臣親丁糧八十分

遵照舊額不敢多佔本標原有公費糧九十分交

四營將備經管為每年冊費表箋京報修理塘卡

衙署等費不許借名多留一分臣受

恩深重敢獻末議稍申犬馬微忱伏乞

奏

皇上恩賞批示遵循於嚴疆營伍大有裨益矣謹

大凡督撫提鎮接印受事後率皆有此一奏全在實力奉行果若行符所言朕自能鑒悉勉為之公私二字辨別清楚何往而不得其宜當效法趙坤之安靜而戒如趙坤之因循懈弛也控馭苗夷要須恩威並濟稍有所偏過猶不及一切處詳慎斟酌為之

同日又

欽定四庫全書

硃批諭旨
卷三十一上

奏為仰願

天恩准帶人員以資委用事竊臣於永北總兵官任內

常行差遣齎摺之把總沈玉秀劉文奇二員數年

長途往來頗堪信任伏乞

聖恩俯准帶入黔省仍補把總以供驅策庶緊要事件

不致有誤再雲南省將備之中有才技優長諸總

營伍聲名好者或可容臣將真知灼見之員咨會

督臣商酌

題請於臣標補用臣因地方營伍起見遊才隔省理

合恭請

聖裁批示倘蒙

恩允則臣獲收臂指之效矣為此繕摺謹

奏

地方營伍均關係要何省不需好員隔省題官不便允

行此二把總念係微員姑准所請援旨具文咨部可也

同日又

欽定四庫全書

硃批諭旨

卷三十一上

奏為恭謝

天恩事竊臣父子兄弟世受

高厚之恩莫能仰報萬一臣堂弟大同鎮總兵馬覲伯

行止不端在軍前時因瑣細事情與將軍等爭競

甚屬無恥臣弟不能仰報我

皇上恭養隆恩自干罪戾荷蒙

聖恩不即加重譴猶格外矜全發往軍前管轄綠旗種

地官兵效力行走臣接閱邸抄惶悚惕不能自

安所有感激微忱理合繕摺奏

謝伏乞

皇上睿鑒謹

奏

據奏爾悚惕不安等語此事不但爾等身為臣下且係

堂弟無法以處之即朕親弟如廉親王允禩等雖百計

千方教訓不能化其不臣之心也但只照管己身無過

足矣兄弟之賢不肖功罪各不相及若馬覲伯洵屬下

欽定四庫全書

硃批諭旨

卷三十一上

流不堪不顧行止人也

雍正三年十月二十八日貴州提督臣馬會伯謹

奏恭請

皇上聖安

朕安黔屬狎苗之兇悍及從前地方官之姑息因循皆

朕所悉知覽所奏數條雖屬有理然萬不可輕舉妄動

鄂爾泰慎重明敏實心為國人也諸凡與之詳細商酌

而行爾忠誠報效之心朕甚嘉之但地方情形朕既未

身經目覩爾亦係初到未能洞悉無遺此時不便批示
進止將摺留中俟高其倬到京朕面加詢問與之熟籌
得有主見時再行批發與爾也

同日又

奏為修製甲械以壯軍威以資實用事竊臣提標有
應援全省之責必甲械實堪披執軍器壯麗鮮明
方可為各營表率今細查馬兵盔甲共六百副步
兵盔甲共二千四百副鳥鎗共一千四百桿俱應

欽定四庫全書

硃批諭旨
卷三十一上

六

從新修製大旗六十桿小旗三百桿紅旗六十桿
帳房一百六十頂係前任提臣趙坤同各官捐製
今應補造帳房二百四十頂新製鑼鍋四百口片
刀藤牌長鎗鋤之類亦應分別添補逐件細籌
所費不貲臣早夜思維此項軍器當亟為整頓相

應據實

甲械乃軍中要務留心修整甚好勉力為之
奏明至所屬各協營現在行查俟回覆到日有添補
之處另行具

奏再照黔地土瘠民貧兵丁家口衆多稍遇歲歉不

免饑寒臣再四籌畫仿照社倉之例願捐穀一千

石四營將備亦願捐穀一千石存貯公所於青黃

不接之際借給兵丁以資食用照原價陸續還補

積穀

仍買穀上倉至來歲秋收時臣等再捐穀二千石
濟兵洵屬最善之舉但不可強累兵弁

委員盡心經管遞相流傳永遠接濟至於操練兵

馬臣惟有不時親行指訓務期技藝精熟各有實
效仰報

欽定四庫全書

硃批諭旨
卷三十一上

九

天恩於萬一理合繕摺備悉奏

聞伏祈

睿鑒謹

奏

訓練營伍惟以時勤操習嚴明賞罰為要勉之

同日又

奏為詳懇轉呈

訓旨事雍正三年十月十六日據鎮遠協左營遊擊韓

勲詳稱卑職恭讀

上諭凡文武官員曾經面奉諭旨者俱將訓旨一一詳細繕寫進呈御覽内外文武大吏著自行封進其不應奏摺之員著封固交與該上司轉奏欽此欽遵查卑職叨蒙

皇恩補授貴州威寧鎮標中軍遊擊曾面奉

訓旨今遵將

訓旨繕摺封固詳請俯賜轉呈等情到臣相應將遊擊

欽定四庫全書

硃批諭旨

卷三十一上

主

韓勲繕寫

訓旨奏摺一封轉

奏伏祈

睿鑒謹

奏

此等轉呈事件應彙齊乘便附奏為是非急務也

同日又

奏為恭請

陛見以抒誠悃事竊臣自上年奉

命回滇未瞻

天顏將及兩載犬馬戀

主時切愚衷沉黔地漢苗雜處最關緊要一切事宜非

面請

聖訓開示愚蒙無所遵守伏乞

皇上允臣來京跪聆

聖主提命指授使微臣得以遵循恪供厥職於地方兵

欽定四庫全書

硃批諭旨

卷三十一上

主

民實有裨益矣臣謹繕摺奏

聞伏乞

皇上睿鑒謹

奏

路途遙遠不必來京近日有人論爾前在大同署任時性急過刻等語當深以為戒朕觀爾亦似偏於急快今職非一鎮可比統轄全省戎政任大責重慎之勉之

雍正四年四月十六日貴州提督臣馬會伯謹

奏為奏

聞事竊查前任雲貴督臣高其倬於謹陳調劑黔省事

宜等事案内會同

題請貴陽府廣順州所屬之長寨同筍焦山羊城壘

一帶狝苗頑梗移撥大定鎮弁兵分防長寨羊城

壘等處定番州所屬青藤斷杉樹兩處設立塘汛

遵奉

俞旨允行隨經勘明扼要地方蓋造營房據廣順州知

欽定四庫全書

硃批諭旨

卷三十一上

三

州報稱宗角沙子關等處營房俱次第蓋造完備

惟長寨狝苗抗違不法用石堵塞路口不容進內

蓋造臣隨會商署撫臣石禮哈差撫標遊擊趙文

英等同廣順州知州齎帶告示張掛並量帶官兵

巡查村寨喚集土人諭其凜遵

王法如仍阻撓即商酌用兵等由於三月二十日會同

署撫臣石禮哈合摺奏

聞今屢接趙文英等稟稱職等委曲開導而該寨苗人

負固不服等語臣即與督臣鄂爾泰署撫臣石禮

哈酌遣臣標兵丁一千名撫標兵丁二百名各協

營兵丁一千五百名檄委定廣協副將劉浚業統

領於四月初八日會集廣順州所屬宗角地方分

佈駐劄臣又會同新撫臣何世璽差員再持告示

前往化誨倘執迷梗化非先威後恩萬難馴伏臣

即會商督撫臣細加籌畫相機撫勦懾服梗頑蓋

造營房安兵駐劄以彈壓要隘頑苗自此斂跡邊

欽定四庫全書

硃批諭旨

卷三十一上

三

徼可冀救寧矣所有遣發官兵事理謹據實具摺

奏

聞伏乞

皇上睿鑒謹

奏

恩威二字不可偏用惟貴適中得當所奏知道了一切

機宜籌畫萬全而後舉動慎勿失於輕忽事畢應具題

處具疏題奏

雍正四年七月十五日貴州提督臣馬會伯謹

奏為奏

聞事雍正三年十二月二十五日原任雲貴督臣高其

倬過安順府交到

御賜解毒末藥一匣藥方一紙又本年二月二十七

日雲貴督臣鄂爾泰差員齎到

御賜解毒末藥一瓶藥方一紙臣俱轉頒所屬各鎮協

營官兵並調往長寨等處官兵去後茲據各官兵

欽定四庫全書

硃批諭旨

卷三十一上

五

稟稱苗人弩箭藥毒從來無方藥解治荷蒙

皇上好生大德將神藥藥方均

賜蟻等攜帶行間有恃無恐益奮勇鼓勵滅此頑梗少

報

聖主深恩蟻等謹望

闕叩頭恭謝

天恩等因到臣據此合將各官兵感戴私忱并臣領到

御賜方藥轉頒各官兵日期繕摺奏

聞臣復差人赴粵到提臣韓良輔處問明購得各種藥

料遵依

賜方製成末藥分給貴州各鎮協營備用以廣

皇仁合併

奏明伏乞

睿鑒謹

奏

知道了藥既有效多製備用甚好

欽定四庫全書

硃批諭旨

卷三十一上

五

同日又

奏為狃苗抗拒不法遣兵勦撫仰祈

睿鑒事竊照廣順州所屬長寨等處狃苗頑梗無忌阻

修營房臣於四月十六日將遣發官兵懾服頑苗

緣由奏

聞在案臣隨會同新任撫臣何世璜威寧鎮臣石禮哈

各出告示差員協同苗人頭目持往長寨等處再

三化誨間有投順者即賞以花紅銀牌等物豈知

領去之後旋即退還告示亦不收接甚屬抗違臣
即會商督臣鄂爾泰撫臣何世璽鎮臣石禮哈飭
發官兵於五月初九日攻打長寨谷隆等處乃頑
苗膽敢伏草打弩斷路刦糧糾集羽黨潛偷營寨
種種不法兇頑已極緣陰雨連綿至十三日發兵
進剿者貢擒獲川販王有餘於者貢後箐搜得川
販李嵩山楊世臣并李奇之妻妾及川販陳應甲
除長寨者貢首惡阿軍阿紀及脅從苗人赴營乞
命外并擒獲兇苗李寅阿乃神保等又獲狝苗大
小男婦及刀弩箭筒並盔甲馬棉標桿等物適威
寧鎮臣石禮哈奉督臣照委於六月初十日抵營
即將兇苗阿革等川販李嵩山等以及刀弩等物
移解撫臣審擬收貯臣以頑苗既知畏懼自應繼
之以恩隨與鎮臣商酌安撫以示

聖朝寬大之仁傳集隣寨頭人給示分頭前往曉諭令
四散夷衆歸寨安業查川販李奇潛匿長寨十有

欽定四庫全書

殊批諭旨
卷三十一上

三六

二年罪大惡極斷難輕縱據伊妻妾僉供業已回
川臣即飛咨川省撫提二臣轉飭地方各官上緊
擒拏務獲解驗定擬以彰

國法再有者貢頭人阿搗阿撈糾衆阻修營房為諸
寨首惡亦不可輕縱臣屢飭軍前各官密訪擒拏
於六月二十八日據叅將劉朝貴知府張廣泗稟
稱有兇礫寨頭人將阿搗化誨來歸又於七月十
一日據該叅將知府稟稱有頭人阿種等用計將

欽定四庫全書

殊批諭旨
卷三十一上

三七

阿撈勒逼獻出前來等語隨經該叅將俱解交鎮
臣石禮哈訖查陸續遣發官兵共四千名土兵一
千零五十一名今進剿事竣將各營先到兵丁撤
回二千四百名暫留一千六百名令遊擊卜萬年
等分領駐劄長寨谷隆宗角等處督修各處營房
俟蓋造完備駐防兵丁安設停妥然後撤歸各汛
其各處土兵時當裁插亦俱撤去令其歸農所有
臣等勦撫狝苗緣由理合繕摺奏